



Siverth K. Heilmann

UPA 2023/35-1

Atassut

24. maj 2023

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut nunani avannarlerni killerni naligiissitaanissamut naalakkersuisut 2023-mi ataatsimeeqatigiissinneqarnissaat kaammattuutigaa. Tamatuma siunertarineqassaaq nunani avannarlerni killerni naligiissitaanermut naalakkersuisut Naligiissitaaneq eqqarsaatigalugit 2019-imiit 2022-mut nunani avannarlerni suleqatigiinnissamut pilersaarut, Nunani avannarlerni LGBTI-t naligiimmik pisinnaatitaaffeqarnerat, pineqartussaannerat periarfissaqartinneqarnissaallu pillugit tapertalerlugu 31. December 2024-ip tungaanut ingerlaqqittusatut nunani avannarlerni naligiissitaanermut ministerit 6. september 2011-mi aalajangiiffiisaat, eqqarsaatigalugu misilittakkat paarlaasseqatigiinnissaat. Taamatuttaaq kaammattuu-tigineqarpoq nunani avannarlerni killerni naligiissitaanermut naalakkersuisut naligiissitaaneq eqqarsaatigalugu nunani avannarlerni killerni ajornartorsiutit suussusersiniassagaat taakkulu eqqarsaatigalugit suliniutit ataqatigiittut eqqartorlugit. Ilanngullugu kaammattuu-tigineqarput arnat angutillu naligiissitaanissaat eqqarsaatigalugit Naalagaaffiit Peqatigiit nunarsuarmioqatigiinnut anguniagassiat nunat avannarliit killiit naligiissitaanermut naalakkersuisut suleqatigiinnerminni innersuussutigissagaat.

(Aallartitat siulittaasuata Kim Kielsen)

Aallartitat siulittaasuata qulaani qulequtarineqartoq pillugu qujavugut, imatullu Atassummiit naatsumik oqaaseqarfigissavarput,

Qulequtarineqartoq tunngavilersuutaasumilu naligiissitaaneq pingaartinneqarluni nangittumik nunat avannarlerni killerni nalilersueqqittariaqarnerput pingaartinneqarluni saqqummiunneqarnera soorunami tunngaviatigut Atassummiit tapersorsorparput.

Inatsisartut aqputigalugit tapersiinitta kingunerissavaat, nangittumik eqqartussallugit qulequtarineqartut Naalakkersuisut nalilersueqqinnissaannut pisinnaatinneqassasut, angusaqarluartoqarnissaanillu kissaassivugut.